

Бүрдәмджтә белдвр теткгдв

КПСС-н Яшалтинск района партийн комитет партийн сургъулин шин джилд ъргн белдвр кедж, политшколс, кружокс, семинарс бүрдәлгъ болзглань диглдж дуусв.

Эн джил урдкасн олар КПСС-н туудж даслгъна кружокс гаргъгдв. Эн тускар коммунистнрт ъргн цәәлгъвр кедж ъггдснә ашднъ партин баатр ноолдана туудж дасхд олн коммунистнр дуран тусацацхав. Партин туудж даслгъна кружокст ъбдән медрлтә, дамшлтта пропагандистнр гардачнрт батлгдцхав.

Октябрин нег шинд марк-

систск-ленинск теорий даслгъыг районд 413 коммунистнр эклхмн. Партин туудж даслгъна кружокс, семинарс кѡдлсн деер политшколс, селәнә эдл-ахун тодрха экономик даслгъна кружокс, коммунистическ сургъмджин туск семинарс, нань чигн, кѡдлмшән делгү эклхмн.

Политическ сургъуль делгрүллгънд, энүнә идейно-теоретическ кирцәгъинь ъбдлүлхд пропагандист улс йилгъгч нилчтә болдгинь тоолад, пропагандистнриг диглдж батлхд КПСС-н района комитет вр-

даснъ килмджән тәвдж кев. Эдниг цугтагъинь онц-онцднъ хәләдж бюро батлв. Политшколст болн кружокст пропагандистнр болдж нургълдж ъбдән медрлтә, удан кѡдлдж йовх улс тәвгдв. Эдн дунд ұр Б. В. Кильянов, ұр В. С. Никулина, ұр И. К. Мамай, нань чигн улс йовцхана. Эдн 4-5 джилд пропагандистнрин кѡдлмшт йовх улс.

КПСС-н района комитетин партийн сургъулин кабинет сән белдвр кедж сургъулин джилиг тосв.

Л. МАЗИН.